




國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



3393431 v.48



國家圖書館, NATIONAL CENTRAL LIBRARY, TAIWAN, R.O.C.





國權

萬歷四十四年丙辰

正月壬申朔 上不朝

提督巡捕營凌應登毆御史凌漢翀于端門二人俱長洲通
宗而漢翀巡城敢搏擊豪猾以應登不謹疏之會應登脅妖
民王好賢四千金漢翀發其事應登亦訐漢翀令福清時賄
狀俱不報是日出朝應登以鉄鈎突傷漢翀事聞奪應登官
聽訊

國權


萬歷四十四年

一

益官設遷孺木著



國家圖書館, NATIONAL CENTRAL LIBRARY, TAIWAN, R.O.C.



乙亥吏部左侍郎李誌為刑部尚書

丁丑易州及紫荆関天鳴源泉有火光墜地化為裂石

禮科給事中余懋孳御史李養志各劾凌應登 上疑果族人奪懋孳俸六月養志一年

設遷曰同姓通宗始于萬歷之季又始于南人鴈行羶慕附勢而合即無應登之反噬非所以示我周行也

丙戌蠲畿南六郡田租

丁亥夜月食

戊子新城伯趙世新^所總督京營戎政寧夏征西將軍總兵官

林文煥改西鎮將軍鎮守延綏大同副總兵張萬邦為山西

總兵官鎮守山西

貢士張琛張士偉除名

壬辰勅諭入覲官

遣御史過庭賑飢山東

戊戌隴州天鳴

已亥勅內官呂貴提督浙直織造稿下內閣 上手增蓋法


稅務閣臣請刪從之

辛丑禮部定會試同考官坊翰十二人科部各四人從之

國權

萬歷四十四年

二



前南工部尚書林煊卒予祭葬福建閩縣人 壬戌進士

二月壬寅朔江南淮安徐州等大飢命發去年稅金一萬六千有奇易粟賑粥

貴州貢士張其猷上東人大飢指掌圖

丁未禮部尚書兼東閣大學士吳道南署詹事府禮部尚書兼翰林學士劉楚先主禮闈

巡撫山東錢士完疾去

摠督陝西劉敏寬報沙計諸酋入雙山建安堡有降夷泄之摠兵官官秉忠等設伏斬二百二十餘級

戊申渾河徙東安縣

辛亥摠兵蕭如薰為征西將軍鎮守寧夏王宣鎮守保定麻

錦鎮守廣東

丙辰前刑部尚書沈應文為南吏部尚書


丁巳摠督蔣遠兵部右侍郎薛三才考績加右都御史

戊午凌漢翀罷成凌應登瀾滄衛

大理卿姚思仁為應天府尹

摠督兩廣周嘉謨請禁土州奸民勾引交夷

乙丑前刑科給事中郭尚賓謫江西布政司簡校御史翟鳳



狎謫山西按察使經歷
丙寅陝西左布政使李維翰巡撫遼東順天府尹李長庚巡
撫山東太僕少卿錢桓巡撫南贛汀漳長庚右副都御史餘
右僉都御史
免長蘆鹽課司浮課
戊辰會試吳江沈同和第一以帶細冊入闈有未備者同邑
趙鳴陽助完之
禮部右侍郎史繼偕改吏部右侍郎前太僕少卿徐兆卿魁
為太僕卿

三月辛未朔日食


逮廣東電白知縣周玄晞下刑部獄玄晞家居前著涇林續
記怨家張惟惠以知縣陳祖苞嫌之增涉時事祖苞上巡撫
王應遴督學御史王以寧各重劾謂排誣朝廷 上閱其首
簡涉于宮闈命焚板

設遷曰寶錄云玄晞家居雄于貲而好訛議所著涇林續
記牽涉時事于宮禁亦書之會與邑令忤鄉人乘之冀快
宿忿以排誣朝廷訟之者數百人予聞周氏隣張而居雖
宿忿而身填牢戶亦可為濫墨之戒語曰縣官漫、冤死

國權

萬曆四十四年

四



者牛周氏亦云悲夫

大學士吳道南禮部尚書劉楚先自檢舉求斥同考官吏科
給事中韓光祐自劾上俱原之命覆試沈同和無以應械
禮部前遣戍趙鳴陽除名

西虜分犯石門路大毛山叅將任自殫拒卻之

庚戌夜月犯軒轅大星

命兵部發太僕寺卿金六萬濟雲南以剿仲苗也

辛巳前祭酒顧起元左庶子周道登為少詹事左諭德趙師
聖為右庶子司業公鼐為左諭德左中允楊守謙左贊善薛

三省為右諭德左庶子溫體仁為南少詹事

壬午提兵官李塔黃越黃守魁為署都督僉事塔鎮守貴州

越鎮守廣西守魁鎮守四川

癸未提兵官劉孔胤鎮守宣府霍廷報鎮守臨洮李邦鎮提
督漕運鎮守淮安

乙酉策貢士三百三人賜錢士升等進士出身有差


戊子安南入犯廣西思明州叅將趙廷等赴援卻之巡撫
以聞

丙辰覆試沈同和文荒悖下法司遣戍趙鳴陽除名

國權

萬曆四十四年

五



礦盜突入

靈寶縣

戊午南左軍都督府僉書李光先兼督浦口池河二營軍務
右軍都督府書喬承恩兼督大教場水陸二營軍務神机營
副將朱拱極提督京城巡捕

巡按山東御史王雅量以登萊飢請海運命部議之

交岡叛酋刁春琪等誘交賊據雲南五邦五畝等寨官兵擊
斬七十八級

虜犯遼東寧遠前衛小團山叅將線補袞拒之追至黃土台
虜大至圍數重游擊楊維藩死之補袞手殺數人中二矢突

出還營數日死贈補袞維藩俱都督僉事

松虜犯蘆溝墩等處官兵追斬三百餘級


四月壬寅朔禮部進會試錄時會元沈同和除名

丙午雷火焚通州稅監張燁樓居巡視東城御史金汝諧以
聞請罷稅監不報

丁未夜東南有流星大如彈赤色

庚戌少詹事劉一燝為詹事府

總兵官李維功徐一鳴王良為署都督僉事維功鎮守遼東
一鳴鎮守福建良鎮守浙江總兵官張承胤鎮守薊永山海



癸丑巡撫大同石崑玉疾去

甲寅前兩淮巡鹽御史徐縉芳以貪酷削籍

勅旌梁山貢士來知德孝行知德少有至性鄉試考官擲其文忽有神屢移卷几上乃入選

丙辰故少傅兵部尚書肅大亨贈太保

戶部左侍郎李汝華為尚書

壬午前撫治鄖陽右副都御史胡心得卒浙江德清人萬歷己丑進士予祭葬

河南舞陽泌陽西寧遂平等縣盜起山東濟南等府蝗

乙丑叙遼東累年戰功

五月辛未倭犯浙江温州

夜廣東潮州三河水驟溢浸城官署五水六尺

丙子福王庄田額湖廣四千四百五十頃未報王奏請量減一千頃

癸未奉 孝定太后神位于奉先殿


丁亥巡撫延綏馬從聘辦

己丑庶吉士葉燦陳玄暉劉鴻訓為編脩姜逢元曾楚卿繆昌期李國楷王應熊馮銓王祚遠羅喻義孟紹虞為檢討時

國權

萬歷四十四年

七



解館殆十月始得命餘擬科道恭謙貞等五人尚下未
巡撫四川吳光先致仕

甲午封秦世子存柩蜀世子至澍富順王至深太平王至淶
淮世子常清榮世子由析晉府寧化王敏濟周府汝陽王在
植

江南江北山東大蝗積地尺許俄赴海死或蜂螫之死亦化
蜂群螫之兩日而盡流人集淮上三十餘萬
丙申夜江寧有尾啣尾渡江可終日鼠各長二尺餘頭方尾
短啣禾異于家鼠


江淮記傳寇至民驚竄互相格鬪

六月壬寅巡撫遼東郭光復卒直隸固安人萬歷己丑進士授
戶部主事歷今官予祭塋贈兵部左侍郎廕子入監

工科給事中劉文炳謫貴州按察司都事初吳道南直閣例
名刺報謁文炳擲還之云莫效嚴嵩至是科場極詆道南以
道南不勝忿疏辨上怒斥之巡按河南御史張至發廣東
道御史李嵩等各奪俸六月

巡撫寧夏楊應聘考績加右副都御史

琉球國王尚寧遣通事蔡廬奏倭數萬造舟五百餘艘欲脅



取雞籠山巡撫福建黃承玄以聞

虜賂驄等首犯潘家口提兵張國柱卻之

丁巳南右僉都御史羅朝國為工部右侍郎編脩駱從字為
平陽開封蝗蒲解鄆陵為甚

己未山東武安盜三千人殺主簿孫光耀

壬戌光祿卿李燎卒字 湖北嘉魚人嘉靖乙丑進士有

學行贈戶部左侍郎


丁卯河決祥符之朱家口陳杞雖柘俱被其患

巡撫貴州張鶴鳴報斬仲苗千四百人以暑疫俟秋再舉

安南祿州夷數千人攻廣西上思州城官兵拒卻之

七月己巳朔前陝西按察使邢雲鸞上七政要數其略曰九步

歷之法必以兩交相對彼交即此交此交符彼交兩交正而
中間時刻分秒之數度自一、可按七政之行其數皆同日
月之交食即五星之交食五星之凌犯即日月之凌犯以同
度同道也胡日月食為日月交五星在黃道間合復為日與
五星交月與五星凌犯為月與五星合木星與火星凌犯為
木星與五星交推之五星莫不皆然故兩交相對互相發明
七政之能事畢矣



甲戌陝西布右政使金忠士為右僉都御史巡撫延綏山西
右布政使王士琦為右副都御史巡撫大同
壬申錦衣衛指揮使駱思恭為都指揮僉事
甲戌大風雨板木折安定門及皇城北中門東上門闕
禮科給事中余懋孳言虜下石鬼力不能鈴束青犯故封事
成而歲費益增當事既不練武預卻其貢則賞宜如期以示
信今補貢四十二年表箋弓矢鞍馬等物收進賞賜物臨期
不發問之工部委內庫問之云內庫云抵張灣朱輸得毋鋪
墊之需索而經收之留難乎虜候諭半年倘生戎心此曹何


以謝罪不報

已卯渾源州地震

禮部上 皇太子出閣儀注

壬午夜江西見大星流入貫索二星隨之

乙酉巡撫貴州張鶴鳴議處紅苗上策如嘉靖間張岳例十
路進兵中策湖廣設一副將駐十二哨中成三千人截江口
使川貴苗不得東八蜡苗不得西四川設一副將駐酉陽成
三千人貴州銅仁搃兵增成三千人各出兵鷓剿若下策川
湖犄角各守要隘來則截去則不追章下所司初苗圍施秉



縣四衛皆震約湖廣兵共剿不應反撓之請設提督亦不聽
竟功無成蓋與楚監司齟齬事焉濟

戊子前少保兵部尚書方逢時卒字 湖北嘉魚人嘉靖

辛丑進士官知縣歷今官年 十 予祭葬

前右副都御史李起元巡撫陝西

壬辰河南安陽諸縣蝗大甚捕不能盡田婦至道泣自經淮
亦蝗有尾無萬數夜啣尾渡江而南經日止

謚益王常漻曰敬東安王載環溫 韓府樂平王謨桐莊簡

諭選惠王婚閣臣請同桂王不報

乙未奉御汪良德奏脩咸安宮得旨內使馳白署工部事右
侍郎林如楚閣臣言旨必發內閣下該科今二監突傳部臣
之私邸非制不報


套虜犯東路先教騎窺高家堡叅將王國興不待兵集遽六
騎邀之中伏死

江西忽大水壞民居浮屍蔽江南雄韶州大雨水

八月壬寅 皇太子出閣講學蓋曠期十有二年是日詹事劉

一燦少詹事韓爌侍班右庶子張邦紀趙師聖左諭德公鼐

右諭德龔三益薛三省楊守勤侍講中外大悅僅一見而輟



己卯萬壽節加稅監河南胡江江西潘相通灣張燁天津馬
堂四川邱乘雲南京劉朝用歲祿十二石周如磐為
丙辰左庶子盛以弘為祭酒周如磐為南祭酒
丁巳懷寧侯孫承廕署府軍前衛
戊辰延慶州地震日中有黑光江南飛蝗南及常州鎮江
九月己巳朔套虜犯延綏
甲戌江南溧陽溧水等大水廣德等大蝗
癸未左右諭德公鼐薛三省主武場
己丑謚周府鄔陵王在滄莊和樂昌王廷瑞端憲

壬辰禮部請補給蜀王賜書如祖訓王國典禮等以舊燬于
火也

乙未免江北抽扣節省銀


丙申激江地震彗星見雲南數百尺

十月辛丑套虜猛克什力復犯波羅堡提兵杜文煥豫備擊敗
之斬四十一級

提督鴈門三關右僉都御史吳仁度疾去

前巡撫廣西吳中明為南戶部右侍郎提督糧儲

虜銀定歹青等二千騎夜犯永昌叅將祁秉忠提兵三百拒



之浹日援至虜遁追斬二十餘級

丙午太僕卿饒景暉為右僉都御史巡撫四川

丁未發帑三十萬金餉宣府餘八十萬下戶部借發

協理京營兵部尚書黃嘉善為南兵部尚書

諭停刑

丁巳署詹事府禮部尚書劉楚先吏科右給事中韓光祜屢

乞休不報竟疾引去

甲子夜大風壞正陽門橋坊

十一月戊辰朔前總督漕運巡撫鳳陽李三才削籍三才居通

州以市皇木侵倉址勘寔也

故總督兩廣兵部右侍郎晉南刑部尚書張鳴岡祭塋鳴岡

萬安人萬歷庚辰進士

己巳夜隆慶殿災殿偏宸居 上甚惡

癸酉命順天府尹禱雪

丙戌夜月掩軒轅左角星


丁亥南城延禧宮災

前大學士李庭機卒字九我江西晉江人萬歷癸未會元授脩撰文章溫穆有先民風歷祭酒署禮部所至清苦節苦束

國權

萬歷四十四年

十三



浮冒覈寔用計經久稍狃隘不能容物入相忤時特放虛拘
無一日展予祭塋贈少傅謚文節

戊子刑部右侍郎荊州後疾去

夜大風直隸東安縣樹枝柯成火毬民舍多有之大如爪

甲午雲南大雷電是月木星順行守斗

十二月丁酉朔司業駱從宇南司業汪輝為左中允編脩黃儒

炳為右中允檢討邱士毅徐光啟周炳謨黃立極為左贊善

來宗道韓文煥魏廣徵凌霄為右贊善

丙午夜火星逆宿 上命發遠夷王豐肅等于廣東聽歸本

國俱利瑪竇後人以在京生事也

戊申大學士吳道南請皇長孫就學不報

方從哲考績進太子太保文淵閣大學士廕中書舍人

辛亥總督薊遼兵部右侍郎薛三才為兵部尚書協理京營

總督兩廣兵部左侍郎周嘉謨為南戶部尚書浙江左布政


使陳所學為右副都御史巡撫山西

遼東清河游擊馮有功下巡按御史王雅量訊之清河偏建

州衛以金石臺為界漢人例不出境有功採孤山堡之木縱

居民出界

邀殺四十餘人督撫檄讓之伴悔罪受



罰誅奸黨十人于界上有功臺訊戴罪侯贖

戶部尚書以郎中袁世振益法十議見引二分帶行積引一分從之時准益以內監魯保加課益引積壅

癸亥給事中姜性請釋輔國中尉充馯駙馬都尉王昂不報韓府承奉張國輔貪悖欺王勿求坐不許因面謾王王弗堪泣訴于監司諸臣遂執送儀衛司事聞命治之

土司常 購交夷侵內地恣掠

國權

益官設遷孺木著

萬歷四十五年丁巳


正月丁卯朔 上不朝

乙亥禮部以五年例議謚先臣戶部尚書雍泰譚太初余懋學南吏部尚書畢鏘裴應章刑部尚書趙參魯魏時亮戶部尚書汪宗伊林泮禮部尚書黃鳳翔曾朝節兵部尚書張佳胤魏學曾刑部尚書王之誥工部尚書劉一儒吏部侍郎楊起元盛訥戶部侍郎董堯封禮部侍郎教文禎刑部侍郎段

國權

萬歷四十五年

一




民朱鴻謨何源王宗沐李崇工部侍郎沈節甫南兵部右侍郎姜廷頤工部右侍郎王治都察院副都御史龐尚鵬李中僉都御史張允濟山西巡撫姜洪太常少卿周怡南光祿卿馬理祭酒陶望齡傅新德脩撰楊慎給事中賀欽御史陳茂烈郎中黃鞏莊景提學副使李夢陽僉事朱冠馮應京霍州學正曹端共四十四人
辛巳方從哲吳道南請京察之期不報
夜月食
宰賽等犯鎮夷堡開原城官兵失利

壬午東朝房火

太常卿林學曾等請釋劉光復不許

庚寅兵部以套虜吉能乞款議補七年市賞先是吉能凱封王金印并寵席將軍號不遂因入犯東路大柘油西路定邊等處屢敗悔罪獻罰九九鑽刀設誓九九者馳馬牛羊之類也兵科給事中趙興邦言一歲兩市金繒費八萬有奇七年間凡六十萬如歲資我芻餉則士飽馬騰即長驅虜庭可也何至恣犬羊之求填溝壑之愆示弱至此哉下部議仍咨督撫議歲一市其舊賞半給報可



二月丁酉旌德王常清賑飢又旌魯王壽鉉賑飢

己亥旱遣告郊壇諭大臣脩省

庚子夜火星逆行入星度

丙午許駙馬都尉侯拱宸子昌國為錦衣衛都指揮使

己酉諭內閣曰朕多疾視朝等禮科部不必瀆擾

山東泰安歷城章邱等乘飢盜起巡撫李長庚分兵剿捕之

庚戌福王常洵庶長子由崧封德昌王

辛亥外戚武清伯李誠銘加封侯

壬子予故左都督鄭國泰祭葬

郭應祺嗣武定侯

戊午先是上憂早露禱宮中至丙辰始雨雪

三月癸酉始京察重處東林王之寀輩如竇子偁陸文瀛皆至

清被斥輿論不平


乙亥許稅金二萬賑江西水災

戊寅科道拾遺前兵部尚書王象乾等

壬午封德王常馨庶九子由椅寧陽王

兩淮鹽法通判吳撫謙上太平第一策謂借屯田之名行井

田之寔假田工之力嚴溝洫之制更樹榆柳梨棗等木于界



上一資利

守戶部覆上

乙酉前左副都御史許弘綱為右都御史提督兩廣兼巡撫廣東前兵部右侍郎汪可受為兵部左侍郎提督薊遼保定軍務

巡撫貴州張鶴鳴發監軍安平道叅政謝

都司張鶴紳

等提兵分三路攻叛苗之獠坪獠坪上有仰天窩有九井地平行可容數千人有三道各有關險不易度賊窟之官兵奪其險破斬三百七十七級

四月乙未朔張鶴鳴奏剿川屬土官官兵南北二路擊斬二千

九百六十餘級

董其昌曰川屬土司改隸黔中本以勢險聯絡耳計不出此而討苗討安干戈日尋川原山谷厭肉流血居中調度者何人哉


設遷曰張鶴鳴在黔用壯之甚銘鋒梓鏑惟敵是求及移樞遠左則畏東胡如虎縮胸不前何銘于始而萎于末乎古人見小敵怯大敵勇張氏反是天道神明人不可多殺晚中寇刃得非西南之寃陷耶

交賊督勝犯思明州殺掠那利村下石州土官閉國藩遯于

國權

萬歷四十五年

四



那利江遇賊死

己亥鄭養性特襲左都督以父國泰前送 孝定梓官也兵

科給事中趙興邦奏止之不聽

巡按貴州御史楊鶴議烏撒府改隸黔中控制便守衛便驛
遞便借辦便又天橋哨南山產銀為夷所據且取充兵餉章
下所司

庚子蜀府至湘嗣南川王

總督漕運巡撫鳳陽戶部尚書陳薦總督陝西三邊兵部右
侍郎劉寬敏並勒致仕南太僕卿劉汝康調外前祭酒朱維

禎仍養疾前吏部右侍郎王圖前太僕卿李時華冠帶閣住
以科道拾遺也兵部左侍郎魏養蒙等俱留刑部主事王之
竊等俱免官時鄭繼之主計吏科都給事中徐紹吉御史韓
浚佐之所處皆東林也

辛丑巡撫大同王士琦劾去


甲辰予故太常少卿薛芳祭一陝西韓城人萬歷壬辰進士
令臨淮進戶部主事改吏部在太常數月例不祭以叙年勞
得之

戊申戶部郎中袁世振為山東按察副使兼布政使右叅議

國權

萬歷四十五年

五



筦兩淮運司疏理鹽法特給印

己酉南刑部右侍郎宋任為南右都御史

予故南右都御史蔡悉祭塋字 福建龍溪人隆慶戊辰

進士除瑞州府推官進戶部主事出守廣西至今官所至皆有聲

癸丑福建有臺山游兵一舟自日本回者被阻執見海道副使韓仲雍其人董伯起云長岐島即肥前洲也專監市販今頭目柴田勝來販問其何以侵雞籠浞水何據北港何內掠俱以甘言對仲雍諭以爾經自浙境浙南為台山為礪山為

東海為島坵為彭湖為彭山比我門戶非汝所可涉也因遣官傳送定海所而去

甲寅封慶世子倬准樂安王朗鑿


丁巳兵部左侍郎魏養蒙罷崔景榮著部事

己未巡撫河南梁祖齡劾罷

庚申通政司林梓左通政章嘉禎俱察免

辛酉武英殿辦事大理寺副邢任隆捐穀千石賑飢

五月乙丑少詹事韓爌為禮部右侍郎右庶子張邦紀為左庶子左諭德為右庶子左贊善鄭以偉為諭德



免順天永平過路落地二稅

己巳順天府丞喬允升罷

辛未復虎墩鬼魅市賞

癸酉復移清浪守備于施秉縣以叛苗攻縣舊戍二百有五

十人

福建東沙洋飄倭舡三艘凡二百餘人登山叅將沈有容攻

之明日大舟一漁舟二外至擊沉之縛倭三十三人餘所獲

流倭不一

甲戌鳳陽天鳴地震

乙亥又鳴震

光祿少卿周希聖為左通政

丙子遣文武大臣祭告郊壇祈雨

丁丑吳尊周嗣清平伯

戊子太常少卿林學曾為右通政

湖廣叛苗龍溜誘殺指揮魏淳繩武

六月甲午朔左諭德龔三益為湖廣右叅政


乙未兵部左侍郎崔景榮言天下現任大小將官各歷俸以

世職武舉等項詳揭堂屏從之

國權

萬歷四十五年

七



丙申夜南京江寧有鼠無萬數赴江東門外圩田禾稼俱空

庚子巡撫貴州張鶴鳴報斬叛苗一千二百十六級

壬寅趙封王由櫟益王由本嘉祥王由樞建寧王由捷寧陽

王由椅永壽王存桀

戊申叙甘鎮斬獲功前總督尚書顧其志進太子太保廕錦

衣衛副千戶加前總兵柴國柱右都督

庚戌故巡按貴州御史馮奕垣贈光祿少卿以平苗功

乙卯戶科給事中商周祚言本月十日文華殿傳制冊封豐

城侯李承祚後至引罪凡不到諸臣輕則住俸重則更差乞

降處分

是月承天大水

開封蝗秋騰生

七月乙丑大學士吳道南憂去

戊辰祈雨郊社夜雨雹有怪風吹折社稷壇門闕斃守卒午

門東華等門鴟吻俱損

辛未旌周府宗正勤美文行


壬申景恭王妃王氏薨

丁丑吏部尚書太子少保鄭繼之六年考滿進太子太保

國權

萬曆四十五年

八



巡撫寧夏楊應聘為兵部左侍郎總督陝西三邊軍務巡撫
江西王佐為工部右侍郎總督河道巡撫保定王紀為戶部
左侍郎總督糧儲

戊寅夜月食

壬辰給麓川宣撫司多安靖印

時山西大旱江北山東蝗泉州大水飢疫

八月甲午直隸開州民家產牛三口三日

戊戌方從哲請補閣員報聞

巡撫延綏金忠士奏邊將失守之律重虜嘗脅邊將曰我一

入犯爾罪立至故邊將嘗利啗之使：其或東或西而不出

于所轄之境嫁禍于隣似宜寬文網以責成之

命代府盧世子位侯昂瀟子長

宣府天鳴地震


總督兩廣周嘉謨檄安南黎氏莫氏擒渠惡贖罪

庚戌直隸東安縣天鼓鳴

是月隕石于山東武城縣三聲如雷濟南地裂者二安邱大

雨雹傷稼二龍野門傷人

九月甲子江南狼山副總兵張彥芳為總兵官鎮守貴州前遠



東提兵為新設山海關提兵官

戊辰予故太常少卿翁憲祥祭一常熟人萬歷壬辰進士

丙子予故巡撫湖廣梁見孟祭墓安肅人萬歷己丑進士

己卯予故巡撫貴州張德祭墓江西新建人隆慶戊辰進士

乙酉山西左布政使靳子中為右僉都御史巡撫保定提督

紫荆等處

十一月壬辰朔代王庶子鼎潛封代世子

山西右布政使文球為右僉都御史巡撫大同

庚戌朝鮮國王李暉言正月日本封馬島主平義成遣使以

日本國王源秀忠書欲遣使通好及歸朝鮮俘口謹以聞兵

部不宜遽絕該國自為酌計 上是之

甲寅巡撫雲南曹愈參疾去

己未暹羅貢方物孔雀

蠲折應天各縣災租

十一月甲子王牒成進駙馬都尉侯拱辰太子太保

甲戌郭應麟嗣武定侯


丙戌方從哲屢請補科道各官有旨俟目疾稍愈行之


宣禧宮災

國權

萬歷四十五年

十





十二月壬辰朔諭諸臣脩省

乙巳禮部請申飭規學報可

丙午河南左布政使沈儼為光祿卿

己酉戶科給事中歸子顧為尚寶司卿

癸丑予故巡撫王璇祭葬河南祥符人隆慶戊辰進士

國權

藍官設遷孺木著

萬歷四十六年戊午

正月辛酉朔 上不朝

甲子尚寶司奏失金牌十有三命兵部補造

丁卯太僕少卿包見捷為右僉都御史巡撫江西大理少卿

王士昌為右僉都御史巡撫福建

戊辰享太廟

貴州苗掠鎮遠衛曹旗堡

國權

萬歷四十六年

庚午太常少卿李養正為右僉都御史巡撫河南

辛未光祿少卿董可威為順天府丞

乙亥夜月食

己酉脩應天浦口城

二月甲午前南工部右侍郎徐大任卒

安徽宣城人

隆慶二年進士

己亥北關金台失入貢仍補貢去年給其賞

大學士方從哲以巡城御史薛貞劾其子世鴻毆死人從哲

上章引咎 上原之速其入直

司禮太監金忠守備鳳陽皇陵乞操練兵馬兵科駁之

癸卯前通政司曲遷喬卒山東長山人萬歷丁丑進士嘗官

給事中揮霍有餘在粵西不無遺議

直隸東安縣黑風晝晦

甲辰大風霾

乙巳巡撫貴州張鶴鳴請剿平定兩江叛苗請餉報聞

命留廣東去年解部稅金賑其水災

戊申廣東左布政使臧爾勸為右副都御史巡撫寧夏福建


左布政使陳道亨為南右副都御史提督操江

辛亥吏部尚書鄭繼之年高竟引去命致仕戶部尚書李汝

國權

萬歷四十六年

二



華署吏部

丁巳兵部左侍郎崔景榮屢乞休不允竟封印去

安南交賊寇廣東欽州時抄掠往歲征討獲朝祿二賊遁遂
脩却于四崗四崗初交賜名朝祿與弟興曉以黎莫治兵相
攻竊據東海府地

三月辛酉廣東南海三水高要四會高明等縣壞圩築城


巡按廣東御史田生金奏廣東備謚六臣故南戶部尚書張
泰順德人成化丙戌進士南京工部尚書陳紹儒南海人嘉
靖戊戌進士南京禮部右侍郎陳璉南海人洪武庚午進士

禮部精膳司員外郎張察順德人正德辛未進士淮府左長
史贈太常卿莊典揭陽人弘治丙戌進士吏部考功司郎中
唐伯堯澄海人萬歷甲戌進士
癸亥諭吏部以各尚書侍郎相繼求去何是法紀着傳示毋
蹈前轍

丁卯給福府德昌王祿米以帝孫不為例

己巳刑部左侍郎張問達為戶部尚書兼提督倉場

署禮部左侍郎何宗彥上言 皇長孫年已十四乞出就學
不報



庚午大風霾

庚辰巡撫延綏金忠士卒字

安徽休寧人萬歷壬辰進

士官知縣拜御史歷任有聲予祭葬

巡按陝西御史李養志奏去年九月虜犯葭州神木報人亡

二十餘神木道 李栖鳳反報捷乞兵部覆接從之

福建長泰同安大雨雹如斗壞二縣城舍溺三百二十餘人

戊子旌淮府永豐王翊鉉女陸姬貞節

四月辛卯周府肅決嗣 王

京城自宣武門至正陽門三里水赤經月

青上湖達虜入犯鎮番總兵官李懷信擊卻之追斬一百八

十八級

庶吉士孔貞時劉鍾英為檢討

貴州兩江苗作亂破摠場已攻巴團哨圍 縣巡撫張鶴

鳴謂苗氛易蕩但楚兵犄角期可月平巡按湖廣御史彭宗

益謂鶴鳴未經會議擅開兵衅于是鶴鳴求會議命下撫按


丙申巡按廣東御史田生金叙平黎功共斬六百人收撫一

萬五千三百餘人

國權

萬歷四十六年

四



丁酉陝西右布政使王舜鼎為順天府尹

甲辰建州衛都督

陷撫順城先期來市貂參云明

日三千人來為大市詰朝果至伏兵車中誘軍民出市突入城殺掠中軍千搃王命印把搃王學道唐鑰死之游擊李永芳中軍趙一鶴降得飛兵五百九十有八人建虜積謀今已數年向陳蜜為糧常併諸部治兵甚秘


始據城

引西虜煖兔宰賽等各屯遼河脅我賞購虎墩兔慙入犯購東虜炒化屯鎮靜堡外傳漢字檄云南朝發兵設在遵化故到撫順會議須捐北關予我仍市清河于是巡撫李維翰搃

督汪可受告急

乙巳建州分陷東川馬糧口二堡殺守堡官李弘祖執馬根山李守倫李大成

兩淮巡鹽御史龍遇奇奏立鹽政綱法祖制淮鹽歲七十萬三千一百八十引自套搭行而課額虧淮南舊引二百萬淮北舊引百四十萬今淮南編十綱每綱刊定二十萬其挂掣未行引十七萬附之歲帶行一萬六千十年兩淮南舊引可盡淮北編為十四綱每綱二十一萬帶行舊引十四年而盡上從之



巳酉巡撫宣府汪道亨卒字

安徽歸懷寧人萬曆癸未

進士在鎮脩堡築牆頗克其任

庚戌征虜前將軍總兵官張承胤各將分五路至撫順城會

南建虜分三路佯退誘我以萬騎夾擊我師殲焉承胤敗沒

遼東副總兵頗廷相游擊梁汝貴突圍出見失師仍陷陣死

初子紅把兔嘗飲承胤所曰父志不小屢諫不入

萬一南向大將軍計安出承胤感稱漢威德笑而去亡何難

作李維翰趨戰承胤叩門求見不許

辛亥邵輔忠為光祿寺丞

陝西大雨雪苑馬寺廣寧間城黑水清平萬安等六監凍斃

馬一千一百五十四匹斃卒二十五人

甲寅遣頭目章台等送漢人張儒紳張棟楊希舜

進士七人因奏七恨先年無故殺其祖父背盟獲北閨嫁老

女三望柴河退墾自稱建州可汗求南朝官一人通官一人

締好赴貢罷兵初東廠太監盧受領司禮監印其舍人王朝

弼一曰應朝潛遣張儒紳市于順撫逞威偏脅令上書七恨

亦其一也


張溥曰

之得為中國患也始于殺其祖之無名

國權

萬曆四十六年


六



而終于與其爵之已重何則教場之與也夫有掩阿台之
功而併戮于城下其罪之不當于董山也 以窮虜甚
之子憐其國絕而封之足矣而賞以龍席之尊官使得號
召徒黨兼有諸部朝廷之失制甚于聽李滿佳之駐牧蘇
子河也往者董山糾毛憐海西入寇以武忠往諭李東出
封窮歸關下羈之廣寧而終不宥其誅而後秉諸夷之苦
邊上者每以其死為言永樂間楊木荅戶奔建州而 滿
佳款附竟釋不問後為邊患歲中入寇者九十七則知
之為患于今日蓋有由也建州以三女妻卜吉而

取其地宰賽欲娶金台失之老女不可老女建州因間以
約婚而要之以共攝北關也事始于女子之間而禍流于
中國之大當其萌日一通事之力制之有餘而及其大也
橫江之二百里鴉鵲關之七十里盡為其有不能與爭反
以金遼委之竭天下之財而莫可誰何則楊鎬李維翰之
罪其可勝誅乎

設遷曰冒頓之報東胡阿骨打之報契丹脩怨釋憾今于
建州見之然方其少孤非李成梁收養安有今日漢今日
殫本休屠王太子輸漢廷牧馬彼獨不追痛先人乎亦感



收養之舊德効忠朝廷也必擱馬稱兵翹祖父以為兵端
猶遼金之故智耶

丁巳日本黑鬪

前寧夏總兵官右都督李如栢為征虜前將軍總兵官鎮守
遼東

戊午方從哲請發帑金召前兵部右侍郎楊鎬經略遼東前
總兵杜松駐山海關

募兵于真定順德保定河間時宰賽煖鬼諸虜集遼河西岸
虎墩鬼慙亦屯鎮靖塞外東西煽動羽書狎至

閏四月己未朔宣大總督吳崇禮為右都御史順天府丞董可

威為右僉都御史巡撫宣府


前四川總兵劉綎薊鎮總兵王國棟甘肅總兵柴國柱延綏
總兵官秉忠各進都督府僉書

甲子山海關兵部主事鄒之易奏建虜初號五萬綿亘五十
餘里萬一引北胡並馳全遼豈為我有宜亟補將領發餉議
援大兵分三路各大將統之一從廣順間道直走甯宮塔以
搗其巢一從發陽清河堵截其前一從遼陽城或走穆家浦
河或走懿路武靖以橫遏其衝報聞

國權

萬歷四十六年

八



丙寅朱國弼嗣撫寧侯

戊辰張國彥嗣隆平侯 張炳之子

命順天尹禳雨

虜滿旦犯馮家谷石塘路游擊朱萬良拒卻之

移保定巡撫靳于中于易州順天巡撫劉日梧于山海關

庚午巡撫江西王佐改總理河道

壬申初設山海鎮轄薊鎮東協為四路

乙亥前太僕卿劉汝康卒山東曹州人萬歷癸未進士

丙子太僕卿徐卒魁為右僉都御史巡撫湖廣

丁丑黃霾四塞夜開原殷家庄堡等疥木生火

己卯陝西大雨雪凍斃人畜

甲申劉衛一鳳為南刑部尚書

煖閣殿膳房火

乙酉常澆嗣潞王

丙戌日旁黑氣磨盪者三日欽天監不以聞

發遼餉十萬金半黑脆如土煎之不耗


五月戊子朔吉世子常淳薨

庚寅故征虜前將軍遼東總兵官左都督李如松贈少保寧

國權

萬歷四十六年

九



遠伯立祠謚曰 子性忠襲缺嶺衛指揮使

乙未貴州黃道宣慰司土舍劉時行襲宣慰使

癸卯作德昌王府以會典有帝孫王孫之異

丁未建虜陷撫安三岔兒白家衝三堡

祭酒盛以弘為少詹事纂脩玉牒

己酉建虜出境

庚戌四川永寧司奢崇明子寅年少獷悍與貴州水西土官

安堯臣妻奢杜輝爭地杜輝即寅之姑也構兵仇殺安氏雖

衆而寅兵驍技能角事聞奪寅冠帶令改圖責杜輝還地

岷府常寧王幹坤薨母妃盧氏失愛于憲王因忿死

辛亥李維翰免命經略楊鎬兼巡撫

癸丑南太僕少卿未任吳炯助遼餉萬金

前巡撫大同王士琦卒字 浙江臨海人萬歷癸未進士


嘗監軍朝鮮予祭葬

甲寅周府恭儀封寧鄉王

建虜入開原

楊鎬至山海關奏遠近徵兵 部議兵餉宣大山西萬人餉

四萬金延寧甘固六千人餉八萬金并摘調薊鎮臺兵借大



工馬價各五十萬資遠餉

西虜乃蠻炒化等內犯

南大理寺丞董應舉上言閏四月二十八二十九日人傳日

中黑門五月朔未刻臣于宅用水盆仰照見日旁黑氣游移

忽入日中日光盪轉不定旋為黑餅蓋于日上不盡黑出日

光奄、如紫少頃黑氣又作復入日光盪轉黑蓋如前者又

變沒黃未申後遂無光采臣稽李淳風玉歷通政占曰政法

不明號令不常君德不光日生青黑若省咎補過則吉一曰

郊廟弗恭乃生黑氛一曰臣扶私黨日有黑氣一曰黑日與

日對或合胡狄來華一曰日出入時有黑日掩日化外侵中

國掩盡則禍不可言至于黑橫水中如分日為兩亦主鼎分

允此數種未知應在何等也云云

六月戊午朔許昌拜襲樂昌王


己未帥鑿龔壽陽王常凍龔建德王載柎龔廬江王常澤龔

高唐王由杉龔東垣王

辛酉大同後衛民家產承二首四目四耳

遼東飢議開登萊海運召商募舟去就山東巡撫李長庚議

折色而止令發餉司糴買



乙丑建虜同西虜攻開原缺嶺衛告急

發太僕寺六萬金遣戶部照磨萬有字市馬宣大發帑二十萬治餉

丁卯禮部奏准王庶子常洪劫父掠妾以淮王貽謀不減當奪祿四年常洪宜自盡從之初淮王翊鉅以伎王愛兒冒為妾入宮令常洪母之謀奪嫡妃陳氏世子于不免御史陳于庭處常洪于邸外而常洪故蒸愛兒招奸人夜入宮劫父冊寶貨及其妾事聞并愛兒論死
辛未趙趙煥為吏部尚書

設遼東餉司

壬申大風壞西直門樓

乙亥吉王翊鑾薨謚曰宣

予祭故左通政朱敬循

復荆王由樊原祿不為例

丙子甘肅寧遠堡東北天鳴紅崖堡地再震


已卯贈張承胤少保左都督歷本衛指揮使謚立精忠

祠予祭葬故遼陽副總兵頗廷相贈都督同知故游擊梁汝貴故海州叅將蒲世芳並贈都督僉事俱祔祠守備魏居正

國權

萬歷四十六年

十三



等加廢有差

前遼東巡撫李維翰削籍

虜炒化寇廣寧大小黑山轉犯河東俱建州勾之也

壬午京師地震

截漕五萬石餉遼東

癸未巡撫廣東林如廈罷

丙戌少詹事盛以弘纂脩玉牒

封岷王定燿曾孫禋法為岷世曾孫

乃蠻犯大靖堡幸款夷預報拒卻之

鄆陵地震

七月己丑建虜謀犯清河攻北關金台失又于撫順城外二十

里築城屯兵經略楊鎬遣游擊劉遇節祖天壽保定提兵王

宣各以兵往而開原援兵過瀋陽值西虜而潰


癸巳申飭秋防

尚寶司卿熊尚文奏冊寶勅空白月日非從哲言王府宜方

內外各官關領不齊故宣勅俟報單領狀填給相沿久矣

上命仍臨期填給

乙未予故刑部右侍郎鄭大同祭葬福建莆田人嘉靖己丑



進士

己亥寧國廣德青陽安吉大雨水河溢


壬寅前刑部左侍郎呂坤卒字叔簡寧陵人隆慶辛未進士
入仕三十餘年林居二紀天性忱恂持身謙素有古人風予
祭奠天啟元年贈刑部尚書廕子入監

張萬為司業

建虜自鴉鵲關入清河堡在山谷中號天險獨東隅稍攻
平成卒五千二百五十人督臣以地重遣游擊張旂以三千
人往方半月見攻議設伏伺夜掩之守堡官凌雲程曰可叅

將鄒儲賢議守以俟援即閉門樵採之士數百人不聽入戊
申敵自寅至未不退戴板屋車挖城土歷級上我砲不繼而
陷儲賢見李永芳招脅大罵巷戰死三軍一路並遭焚燬時
建虜六萬我遼鎮兵額僅六萬又城堡駟站之役行間才二
萬餘而所調各邊兵一萬六千遼東又募新兵二萬議餉三
百萬

陳仁錫曰均遼人也惟撫順清河之人始而與彼接兄弟
既而與彼通婚媾故撫順一失清河旋陷二城之人至今
為梗殘酷狡黠揆厥所由因開市年久夷夏防疎故其人



陷于建虜而恬不知耻彼亦熟稔情好而任用無疑若此輩約有二三千鑿此則張家口潘家口之款又不可不嚴其防也

甲辰夜京師大雨雹

乙巳予故遼東總兵官右都督麻貴祭葬

丁未方從哲請脩內治亟圖用人不報

戊申寧前練兵推官盧堯臣貪恣劾免

時清河兵民萬人皆陷沒時援兵俱在數百里外獨賀世賢自鬻陽馳赴克敵一柵斬一百五十一級

庚戌前巡撫貴州兵部尚書銜郭子章卒字相奎江西泰和


人隆慶辛巳進士授戶部主事歷今官予祭葬

何熊祥為南刑部右侍郎許汝魁為南通政使王永光為大理卿

癸丑安徽懷寧產犬長五尺高四寸一首二身八足狀如人

甲寅張邦紀為祭酒

巡按浙江御史張銓言李如栢杜松劉綎俱宿將不相下必天語嚴切責成楊鎬約束又綱目書死之例有三曰死之予節也曰戰死功罪半也曰敗沒直罪之耳張承胤輕進取敗



屍積邱山不合卹典請繩以喪師辱國之罪不聽

丙辰西協副總兵李光榮如總兵銜

廣西大旱

八月戊午薊鎮東路副總兵署都督僉事高策贈都察同知予

祭一策山西天城衛指揮

武進士

禮部主事謝陞朱大啟知縣張光前葉廷祚為吏部主事

已未交夷大舉犯欽州恣掠執把總查友真

庚申廣東潮州大風潮溢潮陽澄海揭陽饒平普寧漂數萬

人壞田舍亡筭

勅賜楊鎬尚方劍總兵以下不用命者聽軍法

壬戌前廣東電白典史朱鳳翔為南禮部主事添註

乙丑朝鮮國王李瑄請勅從征建虜從之先是摠督經略各

檄朝鮮簡卒聽調至是刑曹判書李慶會云簡萬人以竝且

請硝磺又進馬七百

丁卯山西提學副使呂純如請宋資政殿大學士范仲淹我

明霍州學正曹端從祀孔廟


時戶部議改折南京倉糧充邊餉已報行而南戶部謂止以

今年倉糧半折濟邊半留給軍士該部謂二十五年南糧今

國權

萬歷四十六年

共



閻進士徐鵬舉除判官政成陞大理寺丞何可做也從之
癸未巡按雲南御史潘濬請停貢金不報
諭兵部令各總兵出關駐何地各援兵俱集否令經略分地
專責

祁光宗為兵部右侍郎兼右僉都御史仍巡撫

是月京省主試順天右庶子趙師聖右諭德薛三省應天左
諭德鄭以偉右贊善來宗道浙江編脩林欲楫吏科給事中
張延登江西編脩成基命工科給事中范濟世福建檢討丁
紹軾吏科給事中張孔教湖廣編脩馬之騏刑科給事中陳


伯友河南尚寶司卿熊尚文禮部員外郎朱絲山東刑科給
事中李奇珍戶部主事吳伯與山西吏部主事唐文煥兵部
員外郎陳騰鳳陝西吏部主事楊一鵬行人司副劉時俊四
川禮部主事陸完學大理寺評事齊琦名廣東刑部主事熊
秉鑑工部主事陳應元廣西兵部郎中譚昌言中書舍人朱
正蒙雲南戶部主事洪起初工部主事陳如京貴州刑部員
外郎方尚恂行人陳玄藻而應天浙江江西湖廣河南陝西
俱七月甲寅命下各改試期

大江西奉新等縣蛟災壞城舍人民亡筭

國權

萬曆四十六年

大



九月丙戌朔朝鮮報日本國王源秀吉求通

戊子朝鮮義州鎮節制使李善報建虜八月二十日謀攻遼陽廣寧如不戰誘之野戰楊鎬以聞

己丑建虜以五千騎自撫順關入犯把總李如栢游擊尤世功等分擊斬七十六級是日杜松馬林出清河

前巡撫遼東張濬平湖北黃陂人萬歷丙戌進士

己亥張輔之起南太常卿

西虜插漢五子札哈虎赤黃把都元兀魯孫等謀內犯

壬寅巡撫貴州張鶴鳴報銅仁坡西等營兵鼓噪紅苗乘之

恣掠尋撫之


甲辰予故左副都御史詹沂祭墓

戊申命戶部發二十萬金勞遼東吏卒

裁山東臨邑霑化蒙陰等縣丞

庚戌命提兵柴國柱移山海關

建虜犯會安堡殺掠千餘人經略楊鎬諭北關夾攻之北關懼禍觀望未決巡按御史陳王庭以南關王世忠姑金台失屢之遣世忠前往說貽千金且曰席墩鬼慙輩行剿建虜受賞也



辛亥加派各省直遼餉各二百萬有奇貴州不預

壬子浙江錢塘臨安新城富陽餘杭孝豐歸安長興臨海黃巖太平天台仙居定海並大水謄賑
癸丑固原游擊佟國祚援遼師次昌平聞父摠兵鶴年降建虜明日脫身逃去事聞命逮治之

甲寅山西代州五台保德偏頭關陽曲壽陽太原孟縣潞江等地地震


夜有長星見于翼軫色白形如匹布衡尺餘長可二丈九十九日而滅

乙卯直隸易州東安慶都定興清苑涑水唐縣河間任邱景州肅寧紫荆關馬水口天津皆地震
福建浦城縣午刻大風自田際旋起水珠五丈餘盤旋周遭下上數十畝久之乃滅

十月辛酉夜有星大如斗有聲墮南京安德門外石重三十二斤又萬善鄉亦墮二石重一百三十斤

癸亥京師賑粥飢民

乙丑夜彗見于氐宿大如雞子長一丈餘其色蒼白尾指東南踰數夕轉指西北犯太陽守星又三日漸往西北尾掃北



斗天璇天璣文星五車等星偏紫微至次月十九日滅

方從哲言弭災數事不報

丁卯寬順天永平田租

壬申改折南京倉糧一年助邊

甲戌巡按陝西御史牟志夔言甘肅河南河東諸生合試宜在鞏昌為遠中地

已卯南大理卿董予告辛巳援遼總兵張萬邦疾免

巡按直隸御史曾陳易請增南京武科從之

壬午雲南大雨雹甲申諭群臣脩省

十一月乙未建虜犯瀋陽等堡游擊楊子渭等掩敗不以聞巡

按御史陳玉庭議其罪

丁酉李誌為左都御史起益浩太常少卿黃運泰光祿少卿

戊戌木介安南都統使黎維新入貢


御史房壯麗請草有司徵糧火耗從之

進楊鎬右都御史仍經略

已亥劉曰梧加右副都御史仍巡撫

壬寅設廣東香山澳叅將

乙巳夜有星自北隕南大如斗聲如雷



壬子起馮若愚南光祿卿

癸丑戶部主事洪起初主試還自雲南言害民無如貢金六月中護貢兵役渡盤江死者五十人當加意存恤

甲寅欽天監副周子愚言前陝西按察使邢雲鷺深知歷法近著歷元一書言七政源流四周四應據經據緯俱有本末又言五星北齊張子信草率之歷至今千百餘年歷家馮舊法倒換致歷筭失次差至數十日不覺至本土二星其行尤遲木星十二年一周天土星三十年一周天二星二歲俱行至及今測驗乃得真數過此又須十二年三十年矣乞勅取

雲鷺司脩歷法

乙卯前巡撫遼東韓取善卒 淄川人萬歷丁丑進士

封潞王常潞代世子鼎潛樂昌王萬釘上饒王翊鉅寧鄉王恭儀魯陽王肅決東垣王由彬廬江王載禔高唐王常洛建德王常濡

十二月丙辰朔禁有司徵羨銀


丁巳套虜猛克什力等求款

辛酉 部主事鄒之麟奪秩閑住之麟負才名附給事中開詩教韓浚求轉吏部不得遂詩教浚又擅離任被斥

國權

萬歷四十六年

主





夏允彝曰齊楚浙三方之貴者相與甚密也忽而相疑時
山東趙煥為冢宰升詩教為方從哲門人操其權故齊勢
尤盛鄒之麟張鳳翔為選君必年例處姚宗文劉廷元輩
而齊與浙離矣之麟既斥其友夏嘉遇程光國尹嘉賓鍾
惺輩皆才名或一時久擬臺省銓司俱改冷曹此其持局
甚固然適所以自敗也如嘉遇淳和清潔而亦與眾共擯
不亦誤乎韓敬錢謙益王象春鄒之麟才既相伯仲又為
同籍而相仇至甚殆不可解也王象春自述云與鄒同游
西山鄒為對偶云敬字無文便是苟思其對不可得王忽

云林中有點不成材以湯賓尹號霍林故也此皆輕薄之
尤韓鄒固為世詬矣王居鄉最為鄉人所嫉其族人亦多
恨之錢聲色自娛末路末失節皆國運所關坐此輩以致
朝野紛々也

壬戌予故山東左布政使杜潛祭墓潛嘗監軍朝鮮
癸亥北關金台失遣予得兒草台州來告捷以十一月襲建
虜俘四百有奇斬八十四級獲甲百十馬七十牛羊稱是命
勞三千金幣二十

雲南左布政使李燾為右副都御史巡撫雲南兼督川廣兵





餉燾望輕適入覲購得之命下交劾出都報罷猶亟赴任
精敏加于前間白簡蝟起仍視事再被旨不去直至交代
庚辰許副榜監生准貢
議徒寬奠子女于遼陽
兵部員外郎董承詔言遼事之難有六將多而難調兵弱而
難用餉久而難繼賊狡而難制地險而難攻助寡而難恃其
將多而難調以唐九節度之師潰于相州為征不報
巡撫山東李長庚為戶部右侍郎督理遼餉

國權

藍官設遷孺木著

萬歷四十七年己未

正月乙酉朔 上不朝

己丑甘肅蘭州產羊于民家四耳三目二口

辛卯祭酒張邦紀南祭酒周如磐為少詹事纂脩玉牒

乙未外戚鄭養性授都督僉事止一輩不為例從兵部黃善
嘉善之言

丁酉謚山陰王俊柵莊憲

國權

萬歷四十七年

嚴一鵬為南光祿卿

辛丑夜火星逆行軫宿

癸卯兵部員外郎王之雅上六策嚴責成別功罪戒欺蔽督

芻餉核戰具併火器戰車 上是之

丁未兵部購東事賞格刊示中外

設邊日往討噶氏討閩白討播夷虛懸賞格百不一售今

購建虜首世都指揮勞萬金彼反購熊廷弼首勞一錢取

侮如此則功懋賞不遲漏刻正無事文告之糜也

命給潞王米萬石

庚戌右春坊右庶子趙師聖為左春坊左庶子右庶子何如

寵各署印兼侍講左贊善錢象坤為右諭德兼侍講

辛亥吏部大計竣降斥有差

壬子少詹事張邦紀知貢舉

戶部議惠王桂王婚費各七萬金命各倍之

二月乙卯吏部右侍郎史繼偕禮部右侍郎協理詹事府韓

爌主禮闈


丁巳夜火星逆行入軫宿

庚申命覲命即回任辦遠餉

國權

萬歷四十七年

二



癸亥夜火星逆行入軫宿

乙丑經略楊鎬會師于遼陽分四路總兵馬林自開原出靖
安堡攻其北開原兵備道僉事潘宗顏監之通判董爾礪贊
理山海關兵杜松出撫順攻其西保定總兵王宣趙夢麟總
佐之分巡兵備副使張銓監軍遼東征虜前將軍總兵官李
如栢出清河鴉鶻關攻其南叅議閔鳴泰監軍總兵劉綎自
寬奠出涼馬佃攻其東南兵備副使康應乾監軍推官魏之
范贊理總兵官秉忠都司張承基屯遼陽總兵李光榮屯廣
寧為備約乙亥出塞北關金台失白羊骨等屬馬林鎮江游


擊喬一琦領朝鮮兵攻其東朝鮮遣元帥姜弘立金景瑞副
之率萬三千人屬劉綎

丙寅移總兵李光榮于廣寧副總兵竇承武于前屯

戊辰夜火星逆行入軫宿

庚午起宋興祖大理寺右少卿通政使左叅議張津為太僕
少卿

遼東大雪迷徑諸軍約乙亥各出塞至是改巳卯杜松知敵
未可乘說楊鎬不聽蓋以方從哲紅旗趣戰也松密上書當
事與緩師李如栢邀責其使



壬申言前韓敬非有私許復之

夜火星逆行于軫宿

癸酉大風霾

庶吉士楊景辰服除授編脩

甲戌申刻赤氣滿天晝晦至燃炬

丙子戶部右侍郎李長庚專督遼餉


戊寅增會試額五十人

己卯夜火星逆行入翼宿

壬午雲南麗江知府朱增輸遼餉萬金

癸未劉綎進兵至馬家寨斬八十五級俘百八十八人


三月甲申朔杜松出撫順越五嶺關直抵渾河日暮軍欲止不
聽見河淺橫舟數十松氣益銳裸騎直渡衆請甲松笑曰入
陣被堅非夫也吾結髮從軍老矣不知甲重几許進獲十四
人焚克二柵乘勝明日進二道關伏自突起可三萬餘人松
力戰欲據山上俄林中伏發復血戰抵暮而東營鎗砲阻渾
河未前蓋敵決上流斷我也松與搃兵王宣趙夢麟等力竭
死軍盡覆松等皆榆林人善戰松被召過潞河裸示人曰杜
松不解書第不若文而惜死體創如疹潞人為揮涕方出師



牙旂斷識者憂之敗聞經略楊鎬言松遠律喪師撫按周永春陳王庭亦如之雖松剛愎少謀而師期先泄彼得為脩敗道也

設遷曰杜松嘆惜宿將以廉勇著塞旗陷堅者數矣渾河之覆或咎其能進或曰李如柏早置奸人為松向導誘而陷之似未必然西道最衝松既懷進任有進無却大丈夫立志在吞胡直獨身取單于耳橫屍草間豈顧問哉松又嘗諫經畧兵餉未充士卒未習將領未協不便大舉其審勢甚明所以致敗者先人有奪人之氣而後軍無為之繼也

乙酉開鐵路搃兵馬林失利監軍開原道僉事潘宗顏死之林出三岔口屯稗子谷夜聞杜松陷軍中遂譁及旦敵至林甚恐亟引去宗顏殿後與游擊竇永澄守脩江萬春贊理通判董尔礪等俱鏖戰沒宗顏字士潛萬全都司保安衛人萬歷癸丑進士能詩文授戶部主事身請督餉補今官嘗上楊鎬書曰林庸懦不堪一面之寄乞易別帥當此重任而以林遙作後應庶其有濟否則不惟誤事恐此身不保果如其料年三十六後予祭墓贈光祿卿謚曰節愍字屯環廕錦衣衛百戶



夜東南有大星色黃赤自大角東北行至近濁

丙戌夜火星逆行入翼宿

庚寅以四川貢扇粗套惡布政使官俸三月

諭兵部戒飭東征將士

總兵劉綎敗沒綎深入三百里克十五寨斬二千級建虜氣
懾遣得杜松號矢使諜告急綎曰同大帥可傳矢禪我哉使
諜曰主帥因事急取信耳綎不日始不約傳砲乎曰夷地烽
堠不便此距建虜五十里三里傳一砲不若飛騎捷也綎首
肯諜馳報立傳砲我軍意松先登疾驅而亂中伏大潰綎


遇害年六十義子劉招孫救之亦死朝鮮裨將金應河援之
殲焉游擊上海喬一琦投崖死朝鮮兵善火器習銃俱木牌
列如墻開穴置銃力頗猛應河據山為營嚴銃拒敵

並

不退俄風霾銃不能發應河猶據胡床大弓射之力屈死姜
弘立金景瑞降綎初留周文為後繼文擁眾不赴竟還

牛毛寨綎江西南昌人父顯亦名將綎勇善大刀與杜松齊
名時謂功在俄頃並敗沒邊人奪氣喬一琦贈都督僉事廕
金山衛指揮僉事

楊鎬聞各路不利檄李如柏旋師時喪兵共九萬人馬四萬



輜重亡美


高汝棡曰是役也諸大將各以威名相埒喜先得當虜趣
首功直前而往經略意亦苦兵寔不在戰虛張捷伐與取
近寨小捷得塞軍書而杜松負胆力有犁庭之志遂轉
戰深入松遇伏而敗林聞松亦潰天也至縱直搗其巢敵
號泣震天几已成功還兵自救餉援絕而麀戰死當是時
諸將互為犄角分其兵力兩將軍必不陷惜乎不能和將
士而委于不救也如栢退保開鉄藉口節制毋亦世居遠
香火情深支吾報成事耶

甲午夜火星逆行入翼宿廣寧大風折巡撫門旗

戊戌策貢士莊際昌等三百五十五人各賜進士出身有差
庚子巡撫貴州張鶴鳴為兵部右侍郎兼右副都御史總督
陝西三邊大理右寺丞韓浚為右僉都御史巡撫保定口北
道副使杜承式為右僉都御史巡撫甘肅江西左布政使王
在晉為右副都御史巡撫山東
命都督僉事王尚忠鎮守保定兼備倭總兵官

夜火星逆行翼宿

辛丑莊際昌賜第其策洗補數字又誤醪為膠禮科給事中



開詩教摘之方從哲以進呈失詳引咎不問命際昌還里讀
書居三載吏部即家奏補脩撰

論內閣發稅金三十六萬及宮費給遼餉

癸卯總督陝西三邊楊應聘巡撫 祁伯裕為兵部左右

侍郎回部

兵部議募兵畿內山東河南山西陝西

乙巳延綏總兵杜文煥疾罷

丙午肅王紳堯謚曰宣

方從哲再求放以禮部主事夏嘉遇再劾之

前御史熊廷弼為大理左寺丞兼河南道御史宣慰遼東

丁未 皇太子才人王氏薨

戊申西虜虎墩兔憨詣鎮靜堡脅賞

戶科給事中李奇珍諭楊鎬李如栢通胡失事不報


己酉叅將賀世賢進 副總兵專援遼總兵李如栢專禦

東虜總兵李光榮專禦西虜

援遼總兵官官秉忠疾罷

辛亥方從哲請籍遼民為兵議下兵部

調宣府總兵官劉孔胤出閩



前脩撰韓敬調南京

壬子曉刻金木星合犯璧宿紅霾咫尺不辨

起蕭如薰鎮西將軍總兵官鎮守延綏孫邦熙鎮朔將軍總兵官鎮守宣府署都督僉事祁秉忠為平羗將軍總兵官鎮守甘肅

四月甲寅朔嚴京城門禁

乙卯 壩上倉災

戶科給事中李奇珍言李如楨不可代如栢不報
丁巳命順天尹禱雨

庚申勅錦衣衛右都督李如楨為征虜前將軍總兵官鎮守遼河東兼備倭總兵官往代如栢


設遷曰東事之壞始于用李氏兄弟蓋議者以

孤育于李成梁年十六遣歸本部謂成梁雖往其兄弟皆世舊異縻制之不知建虜深怨李氏反墮其計中初帥如栢不律亦可已矣又帥如楨豈非當事之愚乎惜哉

壬戌署禮部左侍郎何宗彥請卹陣亡諸臣從之

丁卯兵部主事莫在聲趣援兵以聞

戊辰兵部言貴州紅苗流毒宜命川貴湖廣各守界址初巡



撫貴州張鶴鳴言地廣苗四十四寨為四川酉陽宣撫司石耶色梅二長官司所轄沙苗龍頭等九十九寨為湖廣永順保靖二宣慰司及鎮溪所土千戶段惟漢等所轄地畝頭尤等苗二十三寨為貴州其害獨貴州當之積因為隣壑乞勅川湖所屬要隘列戍嚴防凡苗出劫即覈所轄如湖廣則責湖北道行永順保靖二宣慰防守在四川亦如之在貴州則自治毋彼順此逆以釀禍端

辛未協理京營兵部尚書薛三才卒字 浙江定海人萬歷丙戌進士授 科給事中歷右僉都御史巡撫宣府總督

薊遼有斬獲功予祭葬贈太子太保謚恭敏昌平人
壬申總兵朱國良為南後軍都督府僉書 少詹事周道登予告


癸酉盈甲厥災

予故南右都御史平原宋仕祭葬贈太子太保隆慶五年進士字 人

乙亥初立平虜營以賀世賢領之招集舊兵

丁丑德府常淵嗣阜平王

辛巳逮宣府總兵官劉孔胤以援遼兵譁脅撫臣每人給二



金始息

前御史劉國縉為兵部職方主事遼東贊畫

五月乙酉吏部候選儒士蔣定國奏採山西夏縣等礦疏不由
通政使姚思仁糾之

南京鎮糧^南衛運糧千戶李一忠奏餉匱請搜東南積羨郡各
二萬金兵五百人通政使姚思仁又糾之

癸巳京師河水溢

丁酉思明等府向武萬承等州土官各貢馬失期減賞

己亥延綏游擊袁大有以援遼兵千餘人至昌平私逃七百

餘人

辛丑寧夏總兵官蕭如薰為南左軍都督府僉書


壬寅巡撫南贛汀漳錢桓疾罷

乙巳安徽歙縣人曹致廉等奏乞同內監搜江南富家借餉
數百萬通政司姚思仁又糾之

辛酉巡撫廣西林欲屢致仕進工部右侍郎

辛亥建虜大舉入撫順閔思明府奸人構祿州夷入掠

六月壬子朔初李如楨抵山海閔託人語總督汪可受以相見
禮兵部尚書黃嘉善謂總兵見總督自有定禮况勅命聽經



略總督節制宜申明體統從之

丁巳故左副都御史

贈左都御史故南戶部右侍郎吳

中明贈南戶部尚書

乙丑順天大水滄稼溺人

前伏羗知縣王從義死贈戶部主事

己巳建虜萬餘人自靖安堡攻開原總兵官馬林等方率眾

出防又恃宰賽煖兔新盟不之備遂陷沒西虜時市慶雲堡

聞變亦結聚亮子河

山東黃縣民家產亦二首四耳八足

庚午西虜三萬騎攻鎮西堡


壬申巡撫宣府趙士諤罷

癸酉楊鎬免

大理寺丞熊廷弼為兵部右侍郎經略遼東廷弼入京陛見
司業張鳳請簡營兵三千壯其行僅得千人至關門廷弼盡
遣還留其馬營兵怨之

丙午甘肅總兵官李懷信移鎮薊州永平山海

戊寅經略熊廷弼言遼左為京師肩背欲保京師則遼鎮不
可棄河東遼之腹心也開原河東之根底也今開原破清河



乙酉戌刻赤光燭地如晝白淮南墜西北

戊子封晉府敏洩河中王周府在錦彰德王在鑿堵陽王常
淖新昌王益府常洌阜平王由櫪永寧王由權舒城王韓府
環漳長樂王慶府帥鑿壽陽王

己丑建虜萬餘騎陷十方寺堡

庚寅追封周府朝瑋義寧王謚莊恪勤費東會王謚簡靖

遼東寧遠衛民家產豕鼻長如象

丙申命總督柴國柱游擊朱萬良各領兵出援遼東

戊戌右庶子何如寵為祭酒益時芳為南祭酒

己亥張經世為右僉都御史巡撫宣府陳邦瞻為右副都御

史巡撫廣西


癸卯南戶部尚書周嘉謨為工部尚書

甲辰以金花銀戶部尚書李汝華奪俸二月司官一年

楊鎬奏開原失所以署道推官鄭之范貪刻離衆心宜捕治
從之

丙午建虜數萬騎自三岔口攻陷鉄嶺衛援遼搃兵賀世賢
救之不及斬百七十餘級

丁未胡應台巡撫應天總督軍務周應秋巡撫南贛汀漳搃




理軍務李樞巡撫貴州兼督理湖北湖南川軍東務俱右僉
都御史沈懃巡撫雲南兼建昌畢節川東督理軍務兼督
川貴兵餉俱右副都御史于仕廉為南太僕卿
左春坊左贊善徐光啟請使朝鮮諭夷回從之拜少詹事兼
河南道御史賜一品服吏科右給事中姚宗文閱視遼東
貴州水西頭目官保以鎮雄水西烏撒兵萬餘追安效良至
密益州界焚掠效前驛前妾氏而疏安疆臣女女陰構烏
撒土婦隴氏買官木署使索效良印也
八月辛亥朔北虜萬餘自石塘路攻白馬關高家馮家等堡游

擊朱萬良告急

左都御史李誌

癸丑經略熊廷弼入遼陽鎮人知州李尚浩移家出城廷弼
罪之勞賀世賢斬逆將右翼營游擊劉遇節總兵中軍王捷
鉄嶺衛游擊王文鼎以獵文鼎直隸雄縣人抵任一日城陷
人以為寬招屬夷北關金台失白羊骨二酋令總兵李如栢
屯瀋陽賀世賢屯虎皮驛


乙卯濟南東昌登州蝗議蠲災租運遼東米豈三年帶獄
丁巳那增輝充總兵官鎮守保定兼備倭總兵官何奮武充



總兵官鎮守山海關應遼薊遼王汝金為征西將軍署都督
僉事總兵官鎮守寧夏紀元憲為署都督僉事總兵官鎮守
廣東
戊午桂王婚
暹羅入貢
癸亥逮楊鎬下獄治三路失師之罪
丙寅以虜滿旦謀犯薊門石塘等路命京營副將仁應詔以
三千人自順義牛欄山大水峪沿邊往援
鳳陽大旱無麥禾

辛未建虜聲言犯遼突陷北關金台失白羊骨二寨金台失
自焚死白羊骨出羊降被殺北關止潘陽官軍聞之驚潰熊
廷弼亟遣守道閔鳴泰往撫至虎皮駟大哭而反初開原缺
嶺連陷北關益孤恃婚虎墩鬼慙為援至是襲陷金台失寨
隨攻白羊骨而西虜宰賽以爭掠缺領為建虜所獲因繫之
以鈐制諸夷故炒化寨俱觀望不救

張萬曰北關仇南關而猛骨字羅遂甘就建虜罹網人皆
謂城南關者而不知滅南關者北關也南關滅建虜建虜
寢強北是關以漸弱相構未已卒弱隣而來強寇詎非逞



仰奴卜四首為謀之不滅哉然則滅北關者非建虜而亦
北關之自滅也

甲戌前山西右布政高出山西右叅議邢慎言俱監軍遼東
安南祿州首何惇屢入犯至是檄都統使黎維新擒獻首禍
三人

九月庚辰朔命停刑

甲申許總兵官麻承貴劉孔胤納馬贖罪承恩八百匹孔胤
五百匹

熊廷弼論河東總兵李如栢失開原鉄嶺之罪請李懷信代


移開原道僉事韓原善于瀋陽報可

巡撫山西王在晉言遼地糧餉陸運經虜地且脚費工貲宜
盡改海運南貯金倉北抵蓋州蓋金州距登州半日之程恐
建虜烏龍江進舟揚帆渡海乞募水兵一千六百人護餉章
下所司

議蠲賑淮揚鳳陽旱飢

庚子少詹事徐光啟上十事關防任札副貳將領待士選練
軍資召募徵求助義不報

癸卯命邱遠東陣亡將士



丙午脩通州張家灣二城

戊申熊廷弼誅左翼游擊陳倫以盜餉三千餘金

朝鮮以建虜繕治牛毛寨萬遮嶺廣造攻具購蒙古炒化煖
鬼諸酋意不在小來言于朝熊廷弼慮瀋陽空虛難守決計
保遼陽挑濠掘塹徵戰守兵九十八萬

十月庚戌朔頒歷直隸房山人陳槐前于萬壽節日呼寃午門

云東宮王才入為汝次女王昇冒之至是復呼寃方從哲請

辨真偽不報

壬子建虜謀犯海州衛餉道巡撫周永泰以聞

丁巳粥京城飢民

戊午周永春乞增鎮江戍守蓋朝鮮貢道也從之

戊辰烏撒賊戈破李滿巒等勾水西鎮雄萬五千人出掠至

樂農尋殺水西安效良奪其印恣剽且分七路突官兵方策

安遠兵潰巡撫雲南沈做炳請合川貴剿諸逆章下兵部

丁丑大同游擊焦垣以八百人援遼次懷來夜譁垣遁

十一月辛巳給京軍衣履出戍

吏部尚書趙煥卒字


山東掖縣人嘉靖乙丑進士令烏

程進工部主事遷御史歷順天府丞大理少卿工吏二部侍

國權

萬歷四十七年

十六



郎長刑部執法不屈筮仕五十餘年自奉不異寒素年七十
八子祭葬

癸未朝鮮奏建虜嫚書欲謀吞噬求亟庇援章下兵部

甲申前撫福建黃承玄卒字 人予祭塋贈工部左

侍郎

丙戌前巡撫南贛汀漳孟一脈卒字 直山東 阿人隆

慶辛未進士令平遙進京南御史以忤張居正削籍後環召

又言事調外再起南通政司叅議累至今官性介潔不淄年

八十四

前巡撫山東錢士完卒

戊子兵部左侍郎楊應請調湖廣永順宣慰司兵八千人 聘

都指揮使彭元錫領之保靖宣慰司兵五千人宣慰彭象乾

領之酉陽宣撫司兵四千人宣撫冉躍雷領之石碛宣撫司

兵四千人應襲馬祥麟同秦邦屏領之遵義叅將董仲揆統

馬仍以四川副總兵陳策加援遼總兵官統各軍報可

壬辰禮部左侍郎何宗彥予告


甲午南工部右侍郎羅朝國致仕

乙未建虜數萬騎自開原松山堡入收獲去之

國權

萬曆四十七年

十九



己亥虜圍宋家泊堡

庚午日暈兩珥色蒼黃赤

癸卯虜五萬騎屯養善木

乙巳巡撫順天劉日梧疾去

戶部尚書李汝華署吏部事協理京營戎政兵部尚書黃克

續署工部事

丙午宣府總兵官孫邦熙疾罷

丁未先是御史張新詔劉蔚周萬鎰楊春茂左光斗王尊德

劉惟忠山西叅政徐如翰等各劾方從哲以枚卜失平軍國

債事從哲求放不允

戊申兵部尚書黃嘉善引疾乞休 上命左侍郎楊應聘暫

理部事

十二月庚戌朔選庶吉士丁進施北昂姚明恭侯恪張紳吳士

元楊夢寰魯士昇楊士芳顧錫疇劉宇亮金秉乾朱繼祚何

吾騶姚希孟許可徵姜曰廣楊維新陳萬丁乾學雷躍龍胡

尚英

甲寅總督倉場戶部尚書張問達署都察院事


乙卯前左諭德兼侍講趙秉忠公萬右諭德兼侍講薛三省

並為左庶子兼侍讀右諭德兼侍講鄭以偉錢象坤楊守勤

國權

萬曆四十七年

二十



並為右庶子兼侍讀右中允兼編脩孫承宗吳宗達黃儒炳
左中允兼編脩駱從宇汪輝左贊善兼檢討邱士毅並為左
諭德兼侍講左贊善兼檢討周炳謨黃立極右贊善兼檢討
來宗道彭凌霄魏廣徵司業張萬為右諭德兼侍講脩撰黃
士俊為洗馬兼脩撰李光元劉鴻訓楊景辰檢討王應熊孔
貞時劉鍾英為起居注官
丙辰設西虜黃把兔等合五萬騎窺河東
戊午勅總兵王威仍原官移鎮薊州永平山海關劉藻鎮守
山海官應援總兵官


命順天尹禱雪

魯府樂陵王壽鎬周府河陰王勤烜韓府襄陵王朗鏞俱謚
恪原武王在錦謚昭憲韓府長洲王朗銳謚莊順建德王
翊鉉謚莊順吉世子常淳謚安惠

已未固原妖人李文等伏誅

庚申命故總兵劉孔胤駐海州犄角遠陽麻承恩駐三岔河
援廣寧

庚午司業張萬陳大學上六論端本清塗慎選嚴教尊祀除
習不報




辛未南司業施鳳來編脩成基命並為左春坊左中允李光
先為右春坊右中允兼編脩

壬申初會推閣員禮部左侍郎何宗彥不預吏科給事中張
廷登不署名而御史蕭毅中薛敷教左光斗李徵儀倪應春
彭際遇張新詔等文章惜之而禮科都給事中开詩教兵科
薛鳳翔又屢駁具如延登指各歸責于方從哲從哲奏辨並
不報從哲獨相庸、無所主持章奏俱留中而言路一糾則
其人自能去不待旨也臺省之勢特重有齊楚浙昂峙之名
山東开詩教韓浚周孔教輩湖廣官應震云亮嗣浙江劉延

元姚宗文輩其勢張甚時目趙興邦开詩教韓浚官應震為
四凶

建虜遣謀婦飾謀焚海州芻粟會大雪凍飢熊廷弼檄搃兵
柴國柱等屯虎皮駟扼其衝苦餉乏還遼陽
是年天下加賦八百萬遼餉三百二十四萬車三萬七千兩
牛七萬四千頭閔門日造器械遼東餉司歲五百萬有奇



國權

萬歷四十八年庚申

正月庚辰朔 上不朝

釋御史劉光復獄削其籍諭內閣曰 先太后祔廟時朕欲赦之以各官黨救故未也

設遷曰劉侍御赴命倉皇非有奇節謹論足動當世而寬日單上直與犯顏諫諍比烈矣其然豈其然乎聞置扉之日干請當路所得不貲夫櫻龍以之逆鱗以美其名哭驪


國權

萬歷四十八年

一

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



朝鮮告急時建虜分兵攻朝鮮滿浦等堡命援之

乙巳城江南泰州東臺場

丁未神樞營右副總兵江應詔為鎮朔將軍總兵官鎮守宣府神机一營左副將楊肇基為鎮西將軍總兵官鎮守大同各賜勅

戊申巡撫遼東周永春引疾且請裁遼撫不允

二月庚戌沔陽京山等縣地震

巡按遼東御史陳于庭奏新兵熊錦報逃千九百餘人楊于渭報逃千五百餘人卞為鵬報逃二千六百餘人李如栢報

逃四百七十餘人趙率教報逃四百九十餘人宜增募兵馬

且陳危遼單弱不報

癸丑日暈如環白虹貫天


丙辰夜月犯天闕星

丁巳水西賊掠霑益守備方策失利以安效良逃至霑益賊追索之策遽戰大敗賊恣掠

辛酉御史易應昌請振飭朝常昭宣國是不報

甲子廷臣以用人行政各候旨文華門傳命各歸署毋瀆

丁卯夜月犯房宿



己巳神樞營左副將達奇勛為提兵官鎮守居庸昌平

丙子太常少卿徐紹吉為右僉都御史提調雁門等關兼巡撫山西密雲按察使喻安性為右僉都御史整飭薊州邊備兼巡撫順天

丁丑禮部右侍郎兼侍讀學士韓爌為左侍郎詹事府兼侍讀學士為禮部右侍郎同教習庶吉士

戊寅夜 南寧府大雨雹大如瓜次如拳壞解舍樹木

三月甲申兵部左侍郎楊應聘卒字行可安徽懷寧人萬歷乙未進士令烏程進兵部主事歷右僉都御史巡撫寧夏秩滿

加右副都御史進兵部左侍郎提督陝西三邊有斬獲功已回部予祭塋贈兵部尚書

庚寅以軍興再加天下田每畝二釐

壬辰神機三營叅將王光有為署都督僉事神樞營左副將


京師大風霾

癸巳滿旦母子叩闕乞款許復市賞

明智草場火

甲午 上不豫

乙未遼陽火藥局災斃二百餘人



京師大雨霾四川威縣怪風來自西北飛沙走石白晝如夜

丙申方從哲催前補閣員數事 上引疾少俟之

癸卯杭州大火

丙午兵部贊畫主事劉國縉以招兵一萬人全伍脫逃被劾
不報

安南祿州蠻常德慶突入我龍州掠人畜

四月戊申朔方從哲請臨朝召對時政不報

辛亥四川石砮宣撫司援遼女官秦良玉進三品服予指揮
僉事馬祥麟加指揮使時赴三千人續調三千五百餘人

建虜數千騎屯撫順


癸丑 皇后王氏崩

練兵少詹事徐光啟以練兵二萬請集議械餉章下諸司右

諭德張鳳貽職方郎中王 書曰徐詹事言區畫甚大制

器甲甚精夫甚大則非一二年了局甚精則勢必身親蓋為
數百年擁護京城設此大方略而無暇計錢糧之接濟與時
日之久暫也官銜兼臺職鑄印授勅事頗創見而原無善始
善終之長策即此時已覺了局之難矣

丙辰禮部右侍郎孫如游署部事




方從哲哭臨思善門即候安仁德門 上召入弘德殿述疾
若從哲頓首因請補閣臣且言遼警 上閉目不甚省但曰
遼東患在文武不和閣負疏已批容即行之從哲請補大僚
科道 上曰稍痊即簡發賜從哲飯召 太子皇長孫入見
賜二千金

丁巳右諭德張萬上言 皇上今日起居尤宜靜攝 皇太
子執禮之下時親左右 皇長孫少成之歲娛樂庭除既足
寬懷亦稱聚順臣竊見士民之家或慈母見背嚴父孤單惟
兒孫繞膝可開眉宇雖天子不同民間而深宮骨肉應無二

理又聖躬願養宜命輔臣隨事補贖日止奏一件賜發既不
煩心亦不壅積

己巳詔告天下右諭德張萬往河間廣平遼東戶科給事中
李奇珍往福建浙江大理寺副曹文衡往兩廣中書舍人宇
緯往雲南貴州行人黎國俊往河南湖北甘學濶往陝西四
川劉芳往南京故事宣勅下禮部錄黃至是止給札署禮部
事孫如游以問祠祭郎中康新民答曰會典禮部請勅遣官
舊歲抄本曰勅下禮部差官又部案 孝定皇太后喪無勅
稿但給札問閣中及典喪內臣亦云然張萬曰宮寮豈給札



乎如游曰 孝定有遺詔可賚令弟以聖諭膳黃萬檢 皇
明詔令得嘉靖中 孝烈 孝潔及 武宗皇后三勅稿示
如游御史左光斗上言禮不宜草始補勅付使臣
辛酉 上召見皇長孫悅之賜二千金
乙亥命工部尚書周嘉謨禮部右侍郎孫如游同內監官汪
良德巡視廠庫

巡撫湖廣徐兆魁劾永順宣慰司彭元錦援遼引疾熊廷弼
乞命元錦身領八千人自效從之

閱視邊務吏科給事中姚宗文言北關金台失子得力克陷

于建虜其二女速不地為西虜腦毛太孫婦仲根兒為虎墩
鬼憨婦臣同督撫招之令為復仇計勞以四千金俱領訖乞
立金台失白羊骨二首廟示勸又南關之裔王世忠令任廣
寧游擊銜宜寔授以風外夷章下所司
遼東獲建虜間諜二十餘人云糾伯要兒歹青等營謀入犯
有水鳥巢于江南山陽縣學舍

五月戊寅朔西虜萬餘騎攻沙嶺堡戍卒銃卻之遂圍墩臺少
頃西寧千總方授以百八十騎來援牛莊備禦楊汝栢以百
二十騎擊之午刻海州叅將黃璽又至墩下之圍解已搃兵

